

FLETËUDHËZUES I PAKETIMIT:
Informacion për përdoruesin

ALGINE

Tableta - (20 mg + 150 mg + 50 mg + 300 mg)
(Kafeinë, Fenacetinë, Barbital, Aminofenazon)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Algine dhe përse përdoret
2. Përpara se të merrni Algine
3. Si ta merrni Algine
4. Efekte anësore të mundshme
5. Si ta ruani Algine
6. Informacion i mëtejshëm

1. ÇFARË ËSHTË ALGINE DHE PËRSE PËRDORET

Algine është një përgatesë e kombinuar me veti analgjizike, antipiretike dhe antinfiamatore. Veprimi analgjizik i lëndëve të veçanta të këtij kombinimi fuqizohet.
Nga ana tjetër, barbitali ushtron veprim qetësues në sistemin nervor qendror.
Algine - tabletë indikohet në rast dhimbje koke, dhimbje dhëmbësh, dhimbje pas ndërhyrjeve kirurgjike, dhimbje reumatike, dismenorre, në gjendjet gripale, febrile, etj.
Mjeku juaj mund ta ketë dhënë Algine për një qëllim tjetër. Pyesni mjekun tuaj në qoftë se doni të dini pse ju është dhënë Algine.

2. PËRPARA SE TË MERRNI ALGINE

Mos merrni Algine në qoftë se:

- jeni alergjik ndaj përbërësve aktivë apo ndaj ndonjërit prej përbërësve joaktivë të Algine të përmendur në fund të këtij fletëudhëzuesi;
- vuani nga porfiria;
- keni qregullime të rënda të funksionit të mëlçisë ose të veshkave;
- keni probleme me dëgjimin.

Në qoftë se mendoni se keni ndonjë nga gjendjet e përmendura më sipër, mos i merrni tabletat. Shkoni dhe flisni fillimisht me mjekun tuaj dhe ndiqni këshillat e dhëna.

Tregoni kujdes të veçantë me Algine

Njoftoni mjekun tuaj në qoftë se:

- jeni alergjikë ndaj barnave të tjera, veçanërisht në qoftë se janë në të njëjtën klasë barnash me përbërësit aktivë të Algine;
- keni në plan të ngeleni shtatzënë gjatë kohës që jeni duke përdorur Algine;
- jeni duke ushqyer foshnjën me gji ose po planifikoni të ushqeni foshnjën me gji;
- keni ose keni patur ndonjë problem shëndetësor, në veçanti: funksion të dëmtuar hepatic dhe renal, si dhe në qoftë se përdorni barna hepatotoksike.

Marrja e barnave të tjera

Njoftoni mjekun ose farmacistin tuaj në qoftë se jeni duke marrë ose keni marrë së fundmi barna të tjera, edhe ato pa recetë. Informoni mjekun tuaj në qoftë se jeni duke marrë ndonjë prej këtyre barnave:
- amiodaroni dhe izoniazidi mund të ndërveprojnë me kafeinë;
- antiepileptikët dhe fenitoina mund të ndërveprojnë me barbitalin.
Këto barna mund të ndikohen nga Algine, ose mund të ndikojnë në mënyrën se si ajo vepron. Mund të keni nevojë të përdorni sasi të ndryshme të këtij bari ose të merrni barna të tjera. Mjeku ose farmacisti juaj do t'ju këshillojë.

Marrja e Algine me ushqim dhe pije

Algine mund të merret gjatë ngrënies ose menjëherë pas vaktit dhe mund të konsiderohet se ushqimi nuk ndikon në përthithjen e saj.

Shtatzënia

Njoftoni mjekun ose farmacistin tuaj në qoftë se jeni shtatzënë ose po planifikoni të ngeleni shtatzënë. Algine nuk është mirë të përdoret gjatë shtatzënisë. Mjeku ose farmacisti do të diskutojnë mbi rreziqet dhe përfitimet e marrjes së saj gjatë shtatzënisë.

Ushqimi me gji

Njoftoni mjekun ose farmacistin tuaj në qoftë se ushqeni foshnjën me qumësht gjini. Algine kalon në qumështin e gjirit. Mjeku ose farmacisti do të diskutojnë mbi rreziqet dhe përfitimet e marrjes së saj në qoftë se jeni duke ushqyer foshnjën me gji apo keni në plan ta bëni këtë.

Drejtimi i automjetit dhe përdorimi i makinerive

Bari mund t'i dëmtojë aftësitë e të sëmurit për të drejtuar automjetin ose për të punuar me makineri. Tregohuni të kujdesshëm gjatë drejtimit të automjetit ose përdorimit të makinerive derisa të shihni se si Algine ndikon tek ju.

3. SI TA MERRNI ALGINE

Gjithmonë merrni tabletat Algine vetëm sipas këshillës së mjekut. Në qoftë se ndjeni që efektet e Algine janë shumë të forta ose shumë të dobëta, flisni me mjekun ose farmacistin tuaj.
Tabletat mund të merren gjatë ose pas ushqimit. Tabletat Algine duhet të gëlltiten të plota me një gotë ujë.
Dozimi i tabletave Algine është si më poshtë:
Nga goja: ½ - 1 tabletë, 1 - 3 herë në ditë; këshillohet që bari të mos përdoret më shumë se 3 ditë.
Megjithatë, mjeku juaj mund t'ju këshillojë të merrni një dozë tjetër në varësi të gjendjes tuaj dhe reagimit ndaj barit.
Mjeku juaj mund t'ju kërktojë të merrni Algine për një kohë më të gjatë. Këshillohuni me mjekun tuaj në qoftë se nuk jeni të sigurt për sa kohë duhet ta merrni këtë bar.

Në qoftë se keni marrë më shumë Algine

Në qoftë se keni marrë më shumë Algine se sasia që duhet të merrnit, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të merrni Algine

Në qoftë se harroni një dozë, merrni dozën në vazhdim kur të jetë koha për marrjen e zakonshme të saj.
Mos merrni një dozë të dyfishtë për të plotësuar dozën e harruar.
Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Të gjitha barnat mund të shkaktojnë efekte anësore. Ndonjëherë ato janë serioze, shumicën e herëve jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre.
Njoftoni mjekun tuaj në qoftë se ndonjë prej efekteve anësore të mëposhtme ju shqetëson:
- reaksione alergjike të tilla si: ekzantema, urtikarie;
- të vjella, diarre, anoreksi, konstipacion;
- përgjumje, lodhje, konfuzion;
- anemi;
- ndryshime të formulës së gjakut;
- qregullime të funksionit të veshkave.
Në qoftë se vëreni efekte anësore që nuk janë të përmendura në këtë fletëudhëzues, ju lutemi të njoftoni mjekun ose farmacistin tuaj.

5. SI TA RUANI ALGINE

Mbajeni larg fëmijëve.
Mos e përdorni Algine pas datës së skadencës e cila është e shënuar në paketim.
Mos e ruani mbi 25°C.
Ruajeni në paketimin origjinal për ta mbrojtur nga drita.

6. INFORMACION I MËTEJSHËM





Çfarë përmban Algine

Lëndët vepruese janë: kafeinë, fenacetinë, barbital, aminofenazon.
Çdo tabletë përmban: 20 mg kafeinë, 150 mg fenacetinë, 50 mg barbital, 300 mg aminofenazon.
Përbërësit e tjerë janë: amidon, polivinilpirrolidon, stearat magnezi, celulozë mikrokristalore, kroskarmelozë natriumi.

Përmbajtja e paketimit

Kuti me 30 tableta.

Shpjegues i ikonave ilustruese në paketim:

-  Mund të merret pa recetën e mjekut.
-  Përmbajtja.
-  Kujdes.
-  Forma e tabletës.

Mbajtësi i autorizimit të tregtimit dhe Prodhuesi:

 **PROFARMA Sh.a.**
Rruga "Myslym Keta"
Tel.: 00355 4 23 89 602
Tiranë - SHQIPËRI

Ky fletëudhëzues u rishikua për herë të fundit në Qershor 2015.

